



Noch ist durch eyn gerade eyn krum lini durch krumen linien zuteylen also / Reiß eyn zirkel
 centrum .a. b. vnd reiß darnach .a. b. gerad zusammen / vnd teyl dise linien mit zweyen puncten
 1. 2. in drey teyl / vnd setz eyn zirkel mit dem eyn fuß in das .b. vnd mit dem andern reiß oben
 rund durch .s. a. Darnach las den zirkel mit dem eyn fuß in dem puncten .b. still steen / vnd thu
 in enger zu / vnd reiß auß dem puncten .1. eyn zirkel centrum / durch das zirkel centrum .a. b. / also thu im
 auch aus dem puncten .2. / so bleibt das / b. / das Centrum zu allen dreyen rissen / wie ich das vnden
 hab auffgerissen / dise teylung ist zuvil dingen nutz.



Vnd wie ich hie form angezeygt / also hab ich etlich lini auffgerissen / aber der stude noch an hal vil
 zu zihen / zu allerley noturfft / darauff man wunderliche werck kan machen / Vnd wer dem for
 dern nach sinnet / vnd mit der hand angreiff / der wirdet seyn nutz daraus finden / vnd weyter
 gefäre /

Das Ander büchlein von den ebnen felder.

Noch dem ich hie forren angezeygt hab / wie man et
 lich linien ziehen soll / wil ich nun wie ich im anfang gemelt an die planos oder
 ebnen komet / vnd etlich aus den selben figuren leren machen / Aber merck was
 eyn planus oder ebne figur sey / das ist eyn ding das durch die linien geendert vnd abgefondert wirt
 vnd noch keyn Corpus schleust / solch figuren zeucht man eyns teyls mit gestrackten eyns teyls mit
 krumen / vnd etlich mit geraden vnd krumen zusammen gesetzten linien / vnd zugleich weis / wie die
 linien eyn ebne schliessen / also schliessen die ebnen die Corpora / Nun ist wislich durch den Euclidem
 das zuwo gerad linien keyn ebne schliessen / darum machen sie keyn figur / dann sie machen keyn gen
 ze / zeucht man sie paralcl / so ist eyn ofne zu beden seitten / zeucht man sie dann das sie an einem teyl
 zusammen lauffen / so bleiben sie hinden offen / wie ich das hie vnden hab auffgerissen / durch zuwo bars
 lini .a. b. vnd .c. d. Des gleichen zuwo ander .e. f. vnd .g. h. die eyn spiz machen.



Der so zuwo krum linien / die eyn sey .a. die ander .b. mit iren helen im zihen gegen eynander
 gekert werden / so schliessen sie eyn figur / Auch schliessen sie eyn figur / wenn das aufgebo
 gen gegen dem einbogen gerissen wirdet / dise figur gewint die gestalt des neuen Mon scheins. Des
 gleichen so eyn krumme .d. ober eyn gerade lini .c. gezogen wirdet / schliessen sie auch eyn figur / Auch
 gewint ein krumme lini die eyn felde schleust keyn eck / vnd ob der zuch gleich ablang wer / hinwiderum
 keyn ebne die mit geraden linien vmzogen wirdet / kan an eck oder winckel gemacht werden / also ist
 es auch gestalt in den ganzen Corpiibus wie ich das vnden hab auff gerissen.

